



ODLUKA

**o davanju ovlaštenja za vršenje funkcije Predsjednika i dva člana Skupštine Javnog
preduzeća „Olimpijski bazen Otoka“ d.o.o. Sarajevo
(prijedlog)**

Predlagač: Gradonačelnik
Obrađivač: Gradska služba za opću upravu
i zajedničke poslove

Sarajevo, april 2019. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i a u vezi sa članom 6. Zakona o javnim preduzećima u Federaciji Bosne i Hercegovine („Službene novine Federacije Bosne i Hercegovine“, br. 8/05, 81/08, 22/09 i 109/12) i člana 18. Statuta Javnog preduzeća „Olimpijski bazen Otoka“ d.o.o. Sarajevo OPU-IP 1804/2018 od 22.11.2018. godine, Gradsko vijeće Grada Sarajeva, na sjednici od __. __. 2019. godine donosi:
(prijedlog)

ODLUKU
o davanju ovlaštenja za vršenje funkcije Predsjednika i dva člana Skupštine Javnog preduzeća „Olimpijski bazen Otoka“ d.o.o. Sarajevo

Član 1.

Ovom odlukom Gradsko vijeće Grada Sarajeva daje ovlaštenje za vršenje funkcije Predsjednika i dva člana Skupštine Javnog preduzeća „Olimpijski bazen Otoka“ d.o.o. Sarajevo, na period od 4 (četiri) godine, i to:

1. Safet Krajišnik, za predsjednika
2. Amina Deljković, za člana
3. Šejla Ibrahimović, za člana.

Član 2.

Ova Odluka stupa na snagu narednog dana od dana objave, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Igor dr. Gavrić

Broj:
Sarajevo, __. __. 2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u vezi sa članom 6. Zakona o javnim preduzećima u Federaciji Bosne i Hercegovine i članom 20. Odluke o osnivanju Javnog preduzeća „Olimpijski bazen Otoka“ d.o.o. Sarajevo, kojima su propisane nadležnosti Skupštine, kao organa Preduzeća.

Članom 18. Statuta Javnog preduzeća „Olimpijski bazen Otoka“ d.o.o. OPU-IP 1804/2018 od 22.11.2018. godine propisan je funkcija, sastav, način imenovanja i razrješenja predsjednika i članova Skupštine, kao i mandat na koji se imenuje Skupština.

RAZLOZI DONOŠENJA

Nakon usklađivanja akata Javnog preduzeća sa važećim zakonskim propisima, gradonačelnik je u skladu sa Zakonom o ministarskim, vladinim i drugim imenovanjima FBiH („Službene novine FBiH“ broj 34/03) raspisao javni oglas za upražnjenu poziciju predsjednika i dva člana Skupštine JP „Olimpijski bazen Otoka“ d.o.o. Sarajevo koji je objavljen u "Službenim novinama Kantona Sarajevo", broj: 07/19, a dana 22.02.2019. godine dnevnom listu "Oslobođenje" i službenoj web stranici Grada Sarajeva, te imenovao Komisiju za provođenje oglasne procedure za izbor predsjednika i 2 (dva) člana Skupštine Javnog preduzeća "Olimpijski bazen Otoka" d.o.o. Sarajevo. Na javni oglas pristiglo je sedam blagovremenih prijava. Komisija za provođenje oglasne procedure izvršila je otvaranje pristiglih prijava dana 19.03.2019. godine i nakon uvida u dostavljene prijave, Komisija je jednoglasno konstatovala da 6 (šest) kandidata ispunjavaju sve tražene opće i posebne uslove iz javnog oglasa i potrebnu dokumentaciju za upražnjenu poziciju, a koji su utvrđenu Odlukom o standardima i kriterijima za imenovanje predsjednika i članova Skupštine J.P. „Olimpijski bazen otoka“ d.o.o. Sarajevo broj: 01-05-716/19 od 25.01.2019. godine.

Nakon obavljenog intervjua sa svim kandidatima koji zadovoljavaju sve tražene uslove javnog oglasa, 22.03.2019. godine, komisija daje prijedlog Gradonačelniku Grada Sarajeva da se izaberu kandidati sa utvrđene rang lista.

Na osnovu istog gradonačelnik, u skladu sa članom 2. stav 1. tačka 1.6., a u vezi sa članom 12. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije BiH“ br: 12/03, 34/03 i 65/13), kojima je propisano da ovlašteni javni službenik osigurava konačna imenovanja sa rang liste koju je predložila Komisija za izbor, donio Odluku broj 01/04-05-2527/19 od 03.04.2019. godine i izvršio izbor Predsjednika i članove Skupštine, poštujući predloženu rang listu Komisije za izbor.

U cilju nesmetanog funkcionisanja Javnog preduzeća i odredbe člana 18. Statuta Javnog preduzeća „Olimpijski bazen Otoka“ d.o.o. OPU-IP 1804/2018 od 22.11.2018. godine kojim je propisana funkcija, sastav, način imenovanja i razrješenja predsjednika i članova Skupštine, kao i mandat na koji se imenuje Skupština, Gradsko vijeće Grada Sarajeva je donijelo navedenu Odluku.

FINANSIJSKA SREDSTVA

Finansijska sredstva za realizaciju ove Odluke nisu potrebna.